

御製文初集

卷九



御製文初集卷之九

帝書事



皇圖辛巳歲我

太宗大破明師於松山之戰書事

己未歲我

松山香山始勤

太祖大破明師於薩爾滸之戰實我大

清開國鴻猷事載

御製文初集

卷九 書事

一

實錄人弗易見

皇考特書其事以示子孫臣庶今秋恭

詣盛京道經松山杏山敬憶我

太宗大破明師十三萬擒洪承疇武廓

皇圖永定

流殊

帝業謹依

皇考書事

卷之九

成憲敬述如左
松山毗連錦州明設重兵戍守我國屢
攻不克崇德六年八月丁巳
上聞明洪承疇等集兵援錦州
親統大軍啟行時
上患鼻衄不止因行急承以碗三日甫
愈諸王貝勒請

御製文初集

卷九 書事

二

聖駕徐行臣等當先往

諭曰行軍制勝利在神速朕恐敵聞朕
親至將潛遁如不逃破之甚易朕此時
不能奮飛何可徐行於是晝夜遄程策
二白馬自盛京疾馳六日抵松山之戚
家堡
駐蹕遣大學士剛林學士羅碩往

諭睿郡王多爾袞等先遣各路兵於高
橋駐營待對宣稱賊兵率騎圍睿雲
駕至合圍松山杏山剛林等還奏多爾
袞等聞警營無卷翻巡無暇月甲兵
聖駕親臨勇氣倍增請陣出與輝景報
大軍暫駐松山杏山之間

上允之先陳師於松山復於松山杏山

御製文初集

卷九 書事

三

間自烏忻河南山至海橫截大路駐營
並軍

諭衆以迎擊機宜毋得輕出迎戰是時
明領兵總督洪承疇巡撫邱民仰兵道
張斗姚恭王之楨兵部郎中張若麒大
同總兵王樸宣府總兵李輔明密雲總
兵唐通薊州總兵白廣恩玉田總兵曹

變蛟山海總兵馬科前屯衛總兵王廷
臣寧遠總兵吳三桂及副將遊擊二百
餘員率馬步兵十三萬於松山城北乳
峯山結營其步兵為營七於乳峯山松
山城之間其騎兵營於松山東西北三
面望見

上親率大軍環松山為營大懼合謀欲

御製文初集

卷九 書事

四

遁癸亥黎明明總兵八員率兵犯我前
鋒汎我軍擊敗之將奔塔山為我前鋒
軍及護軍追擊

上復命武英郡王阿濟格貝子博洛內
大臣圖爾格等追至塔山獲其筆架山
積粟留兵守護遂濬濠斷松山杏山路
是夜明諸將皆欲遁撤其步兵七營近

松山屯駐甲子敵兵犯鑲紅旗汛擊却
之師還敵襲我後相距百步
上復令轉戰張黃蓋率數人往來指揮
布陣敵望見倉皇走遂還營

諭諸將曰今夜敵兵必遁我左翼四旗
護軍可至右翼汛地排列右翼四旗護
軍及騎兵蒙古兵前鋒兵俱比翼排列
直抵海邊各固守汛地敵兵之遁者有
百人則以百人追之有千人則以千人
追之如敵兵衆多則躡後追擊直抵塔
山是夜初更明總兵吳三桂王樸等率
馬步兵由沿海潛遁
上命於松山設兵遮擊又分兵於塔山
小凌河口杏山四面截擊明兵竄走彌

山遍野死者不可勝計乃

命睿郡王多爾袞武英郡王阿濟格進圍塔山以大礮攻克四臺斬守備二員都司一員生擒臺內副將叅將都司等官

上移營松山令環城掘濠困之明總兵

曹變蛟率乳峯山馬步兵欲突圍出犯

御製文初集

卷九 書事

六

我鑲黃旗汛地者一正黃旗汛地者四並為我軍擊却曹變蛟中創奔還松山獲其大小礮位軍械無算

上命伏兵於高橋大路及桑噶爾齊堡以截杏山逃兵果有敵兵千人遁往伏兵敗之追至塔山多所斬獲比還上親率軍至高橋東

命貝勒多鐸率精兵設伏以待明總兵
吳三桂王樸等自杏山西追擊至高橋伏兵
鋒軍見之自杏山西追擊至高橋伏兵
四起阻截前路追兵復躡後殲其潰卒
吳三桂王樸僅以身免越三日又
命內大臣塔瞻等往高橋設伏遇杏山
潰兵悉殲之通計斬殺敵衆五萬三千

七百八十餘獲馬七千四百四十有六
駃六十有六甲冑九千三百四十有六
明兵自杏山南至塔山赴海死者浮屍
多如雁鷺時總督洪承疇巡撫邱民仰
及總兵王廷臣曹變蛟祖大樂等在松
山圍城中現兵不過萬餘糧草悉絕我
軍復掘外壕困之各路潰竄兵未有成

隊逸出者九月

上自松山西南移至城西北駐營
命鄭親王濟爾哈朗貝勒杜度阿巴泰
管旗大臣譚泰等圍守錦州郡王阿達
禮貝勒多鐸羅洛宏圍守松山外藩科
爾沁親王武克善郡王滿珠什哩等圍
守杏山高橋

御製文初集

卷九

書事

車駕還盛京後五日

勅諭諸王貝勒令周視錦州松山所濬
濠塹翼日明松山城內外馬步兵全出
犯我鑲黃旗漢軍汛旋擊敗之斬千級
獲礮五十七甲胄軍械四百餘冬十月
命鎮國將軍阿拜率兵往錦州南乳峯

山駐營

命孔有德尚可喜等率本部將士及耿仲明沈志祥所屬將士往錦州駐營並勅諭王貝勒等圍困錦州松山十一月復命睿郡王多爾袞等駐防錦州肅郡王豪格等駐防松山俱

授以戰守方畧十二月松山城内明總

御製文初集

卷九 書事

九

督洪承疇以兵六千夜犯正紅旗護軍及正黃旗庫魯克達爾漢營我軍射却之斬四百餘人敵兵退走松山城門閉不得入兩日間收服二千餘人敵從杏山宵遁伏兵追斬五百七十餘人諸王等以捷聞七年二月明松山副將夏承德自城

內遣人密約我軍乘夜豎梯登城許為
內應且以其子夏舒為質時肅郡王豪
格郡王阿達禮貝勒多鐸羅洛宏等分
撥左右翼及八旗雲梯各一隨往夜豎
梯於城南面令驍勇先登衆繼之比明
敵方覺遂克松山城生擒明總督洪承
疇巡撫邱民仰總兵王廷臣曹變蛟祖

御製文初集

卷九 書事

十

大樂遊擊祖大名祖大成總兵白廣恩
之子白良弼等殲其兵道一員副將十
員遊擊都司守備千把總等官百餘員
兵三千六十三名夏承德部下男婦幼
穉來歸者一千八百六十三人又俘獲
一千二百四十九人甲冑軍械一萬五
千有奇礮位鳥鎗共三千二百七十有

奇金銀珠緞無算大凌河各官有親屬
在彼者令察出完聚明總督洪承疇總
兵祖大壽之弟祖大樂解送盛京誅巡
撫邱民仰總兵王廷臣曹變蛟三人縱
祖大成還錦州三月明寧遠總兵吳三
桂白廣恩及祖大壽之子率兵四千駐
塔山窺我營武英郡王阿濟格等遣兵
分路迎戰斬獲各百數十人大軍圍困
錦州自六年三月掘濠防戍至是一年
明援兵俱絕城內糧盡人相食祖大壽
戰守計窮又聞松山已失遣使詣鄭親
王睿郡王約降許之請盟誓不許羈來
使一人遣一人歸報大壽懼乃率衆官
出城至軍前叩首乞降諸王即日率兵

入城馳使奏捷
上諭祖大壽部下人悉與留養克松山
時所獲祖大樂祖大成令隨往錦州全
活總兵以下至都司守備等官男婦幼
穉共三千四百三十八人又俘獲四千
八百九十有奇四月鄭親王睿郡王肅
郡王等率將士各載火器至塔山城列
礮連日進攻燬城二十餘丈我軍悉登
遂克其城城內三營官屬兵丁共七千
盡殲之諸王等馳使具奏俘獲塔山人
口及牲畜財貨
上命移城中積聚平其城鄭親王等移
師攻杏山先列礮於城北攻其臺克之
復於臺前列巨礮擊燬城垣二十餘丈

我軍將登城衆官開門至營叩首降籍
投順官民及俘獲男婦幼穉駝馬米穀
軍械等數奏入
諭以杏山歸順官屬兵丁送盛京安插
士民等於盖州將城中積聚軍械移貯
錦州亦拆燬其城分

遣諸王貝勒率將士兵丁駐防錦州松

御製文初集

卷九 書事

十三

山塔山杏山等處鄭親王濟爾哈朗及
諸王等率護軍還盛京五月

上御崇政殿命就擒松山總督洪承疇
錦州總兵祖大壽等朝見洪承疇祖大
壽咸畏罪不敢遽入跪大清門外承疇
奏云臣明國主帥將兵十三萬來援錦
州曾抗

大兵

聖駕一至
天威震懾全軍盡覆城破被擒自分應
死蒙

皇上不殺而恩養之令臣朝見臣自知
罪重不敢遽入總兵祖大壽亦跪奏云
臣之罪與洪承疇不同臣有數罪皆當

御製文初集

卷九 書事

十四

死臣昔困於大凌河糧盡待斃計窮而
降即蒙

皇上待以不殺並令臣招降妻子兄弟
宗族放還錦州臣不惟負恩不降且累
與

大兵對敵今糧盡困迫方出歸順理應
萬死

上諭洪承疇曰汝所陳誠是但彼時與
我交兵各為其主朕豈介意朕所以赦
爾者以殺敗十三萬衆得松錦諸城皆
天也天道好生朕活爾爾當念朕恩盡
心事朕
諭祖大壽曰爾先背我一則為爾主一
則為爾妻子宗族耳然獲汝不殺者料
汝久困必來歸降朕亦決不加誅既往
不咎此後當竭力以報則善矣其餘俘
獲諸臣各惴恐陳罪狀請死

上悉宥之乃

召洪承疇祖大壽等殿內賜茶皆感激
垂涕叩首以出是役也
上以旬日間破明松山兵十三萬擒其

總督總兵大員及將領數十人於是錦
州塔山杏山各城守勢如破竹不數月
相繼下山海以東盡為我有且
聖德如天
神武不殺不特待諸降臣以不死而
恩誼所加賚予爵秩其後諸降臣亦能
各効其用

御製文初集

卷九 書事

十六

大聖人開誠布公仁育義正所由誕膺
景命垂佑靈長也予小子於乙卯秋九
月三日蒙
恩晉封皇太子丙辰元旦

授噩太和受古今未有之育且

殊恩承杏山各城守勢如破竹不數月

列聖締造之大統每思嫜十人然異難

開創之維艱益凜守成之不易默存
天命之難謀民器之可畏居安思危臨
深履薄覩川原之沙漠撫戰壘之依稀
今時緩策康莊即昔日申
文皇躬乘二白基開
親總六師櫛風沐雨之地

艱難肇造

御製文集

卷九 書事

十七

垂裕後昆孫臣蒙業而安實深感慕敬
惟
太祖一戰而王基開

太宗一戰而帝業定重申

皇考書事之
貽謀永綏我大清億萬斯年無疆之統
緒敬告後人欽承勿忽故誌

豐功

臣聞詩書所載膺圖受命聖哲

高宗

迭興勲業隆茂者莫炳於商周

然升陟以前僅傳韋顧昆吾之

烈遷豐以後始著伐崇遏莒之

大野

文要皆席土宇於先朝假聲靈

既望

而滋大未有紹天闡繹拓迹開

統如我

御製文集

卷九 書事

國家

十八

列聖纘承大勲赫濯者也欽惟

太祖高皇帝神威震疊薩爾滸之戰以

數千勁旅越五日大破明師二

十萬如摧枯拉朽焉

高宗純皇帝敬書其事以示萬世

豐功

大文照耀寰宇我
皇上展慕
橋山周覽京邑
遡建邦啟土之年
經
櫛風沐雨之地並紀以

軒篇什敬志不忘
睿念松山杏山為錦州寧遠屏蔽昔

太宗文皇帝嘗破明兵十三萬擒洪承

御製文初集

卷九 書事

十九

太宗文皇帝
疇降祖大壽

睿謨廣運

神武懋昭實與薩爾滸相埒爰謹依

聖製前例詳稽

實錄紬之繹之綜之緝之觀夫分兵布

皇上隘則貌貅羆虎箕張翼舒不足

大文翺喻其武也攻堅折銳則超距投

石十決十盪不足語其竒也殲
皇土獲數萬則築尸京觀積甲如山
萬宗論不足狀其威也撫綏降服則七
太宗大緞七擒推心置腹不足擬其大
大卧筆也由是一役而山海以東隳厥
典文藩籬如履戶闈億萬年

鼎祚已兆於此此

御製文初集

卷九 書事

二十

駿烈

鴻文並臻魏煥者也洪惟平

太祖肇造區夏而

太宗大啟之

高宗紹聞衣德而

皇上顯承之豈區區執簡操筆鋪張

洪庥導揚偉績者所能髣髴萬

一哉臣等恭錄

天章齋心雒誦仰見

大聖人締構經綸決機制勝迅奮如雷

霆光明如日月

燾載如天地而

聖主祇適

前寧心源合一所由膺

御製文初集

卷九 書事

三

景命而鞏丕基者不獨長發下武難與

望主比倫洵踰繩越契所未有云臣

熹璋臣戴衢亨臣趙秉冲臣黃

鉞拜手稽首恭跋

大聖人締構經綸決機制勝迅奮如雷

天章齋心雒誦仰見

一哉臣等恭錄

